

KOLEKSI PANTUN MAJLIS

PANTUN PEMBUKA ACARA

Sirih berlipat sirih pinang
Sirih dari Pulau Mutiara
Pemanis kata selamat datang
Kalimah Bismillah pembuka bicara

Rumah Limas Anjung Selatan
Bunga Kemuning Tumbuh di muara
Awal Bismillah kami mulakan
Selamat Datang pembuka bicara

Melati kuntum tumbuh melata,
Sayang merbah di pohon cemara;
Assalammualaikum mulanya kata,
Saya sembah pembuka bicara.

Jejaran mengkudu berbias kesuma
Di celah angkana di Tanah Jawa
Ucapan Aluan pembuka bicara
Di dewan Gemilang kita bersua

Pergi berhuma di Tanjung Rokan
Sebelum pulang mengail ikan
Kehadiran tuan-puan kami alu-alukan
Kecil telapak tangan nyiru kami tadahkan

Ingin rasa memakan kari,
Kari cendawan batang keladi;
Girang rasa tidak terperi,
Bertemu tuan yang baik budi.

Mencari timba si anak dara,
Di bawah sarang burung tempua;
Salam sembah pembuka bicara,
Selamat datang untuk semua.

Sayang kumbang mencari makan,
Terbang seiring di tepi kali;
Selamat datang kami ucapkan,
Moga diiring restu Ilahi.

Ke Pekan Kuala membeli bingka,
Sayang pesanan terlupa sudah;
Majlis bermula tirai dibuka,
Dengan alunan madah yang indah.

Hembusan pawana menyapa ppohonan
Biru beratap hujan gerimis
Sembah salam kami bingkiskan

Sudi bertandang menyerikan majlis

Kapal dagang dari seberang
Penuh muatan kayu meranti
Dari jauh tuan puan dating
Dengan senyuman kami menanti

Kain bernama sutera impian,
Dibawa bersama selendang delima,
Salam ceria kami ucapkan,
Karnival prasekolah penuh bermakna.

Gugur setangkai bunga melati
Berselerak kelopak celahan didada
Sudah lama kami menanti
Izinkan saya mulakan bicara

Indah berbalam si awan petang,
Berarak di celah pepohon ara;
@

Mega berarak indah berbalam,
Dipuput bayu ke pohon ara;
@

Renyai menyapa gerimis petang
Mari berteduh di pohon bidara
Pemanis kalam selamat malam/datang,
Awal bismillah pembuka bicara.

PANTUN BACAAN DOA

Kalau pergi Tanjung Keramat,
Anak manis jangan diangkat;
Bersama kita memohon rahmat,
Moga majlis mendapat berkat.

Mohon Doa padamu tuhan
Agar majlis berjalan lancar
Biarlah berkat kita aminkan
Apa dihajat moga terpancar

Bukan lebah sebarang lebah
Lebah bersarang di tanah merah
Tangan diangkat merafak sembah
Pada yang Esa kami berserah

Tetak buluh kajang sepuluh,
Laksana dititing kias ibarat;
Angkat tangan jemari sepuluh,
Doa di pohon biar selamat.

Garam ada kicap pun ada,

Sayang lada terlupa bagi;
Pantun ada ucapan ada,
Sayang tiada berdoa lagi.

Lebat kemiri pohonnya rendah,
Dahan terikat tali perkasa;
Sepuluh jari kami menadah,
Mohon berkat yang Maha Esa.

PANTUN UCAPAN ALU-ALUAN

Adat bahasa menyampaikan pesan
Adat upacara menyampaikan ucapan

Ikan sepat ikan haruan
Sungguh enak dimasak kari
Dijemput untuk ucapan aluan
Pengerusi pengelola bijak bestari

Perahu kolek di hilir tanjung
sarat bermuat kayu jati
salam tersusun sirih junjung
Amanat pengerusi kita amati

Bukan rumput sebarang rumpun,
Rumput penghias tepi halaman;
Bukan jemput sebarang jemput,
Jemput memohon kata aluan.

Duduk sekawan gadis jelita,
Buat santapan untuk pahlawan;
Tampillah tuan kami meminta,
Madah ucapan kata aluan.

Sudilah tuan jalan berlapan,
Jalan berlapan di malam kelam;
Sudilah tuan beri ucapan,
Kata aluan pemanis kalam.

Emas tempawan buatmu puteri,
Busana indah buat rupawan;
Sudilah tuan tampilkan diri,
Bersama madah kata aluan.

PANTUN JEMPUTAN UCAPAN

Tak molek jika ada alu tiada lesungnya

Tak berguna jika ada dayung tiada
perahunya
Tak lengkaplah Majlis jika tidak ada yang
berbicara

Duduk sekawan si burung unta,
Tepi keramat di waktu malam;
Pada mu tuan kami meminta,
Kata azimat pembuka kalam.

Terbang di awan burung jentayu,
Di atas papan batang selisih;
Tampillah tuan kami merayu,
Bersama ucapan pengikat kasih.

Besar langit di tepi busut,
Besar tak muat di dalam peti;
Besar hajat kami menjemput,
Besar niat di dalam hati.

Duduk sekawan si burung unta,
Tepi keramat di waktu malam;
Pada mu tuan kami meminta,
Kata azimat penutup kalam.

Terbang di awan burung jentayu,
Kerana penat gugur ke bumi;
Tampillah tuan kami merayu,
Bersama amanat bekalan kami.

Pergi ke kota beli selasih,
Sayang si dara buat halwa;
Berilah kata simpulan kasih,
Sulamkan mesra satukan jiwa.

Untaian madah kata alaun
Untaian ingatan sepanjang zaman

PANTUN UCAPAN PERASMIAN

Yang ditunggu sudah tiba
Yang dinanti sudah bersedia

Andai permata jadi hiasan
Emas tetap jadi hantaran
Kedatangan tuan memang dinantikan

Jutaan terima kasih kami ucapkan

Kain berlipat dalam istana
Pakaian puteri raja kayangan
Sepatah nasihat ilmu berguna
Menguntum budi jadi kenangan

Guru pemimpin pelajar Bestari
Penuh wawasan gemilang pendidikan
Kehadiran tuan kami senangi
Ke Majlis Prasekolah jadi kenangan

Terbang tinggi burung merpati
Terbang tinggi melewati awan
Tetamu kenormat sudah menanti
Untuk berucap penuh wawasan

Terbang di awan burung jentayu,
Di atas papan batang jerami;
Tampilah tuan kami merayu,
Bersama ucapan kata perasmi.

Terurai rasa yang resah
terlerai rasa yang gelisah
bijak sungguh puan bermadah
madah indah penuh amanah

Daun semulur di pekan sari,
Batang jerami rebah ke bumi;
Madah dihulur sembah diberi,
Kata perasmi hajatnya kami.

Jangan tertawan alpa duniawi,
Hanya indah serupa mimpi;
Duhai pahlawan ksatria pertiwi,
Hulurkan madah kata perasmi.

Kalau tuan pikat kenari,
Jangan patahkan batang jerami;
Kepada tuan sembah diberi,
Mohon rasmikan majlis kami.

PANTUN JEMPUT MAKAN

Lebat rumbia di Sungai Kedah,
Sayang senduduk di tepi muara;
Penganan mulia terletak sudah,
Samalah duduk menjamu selera.

Terbang sekawan si burung merbuk,
Batang selasih di Tanjung Dara;
Padamu tuan kami persembah,
Santapan kasih juadah mesra.

Kalau tuan pikat cemara,
Buatlah bara bakar selasih;
Sudilah tuan jamu selera,
Hidangan mesra pengikat kasih.

Sungguh indah bunga kemboja,
Di bawah atap tepi halaman;
Juadah sudah letak di meja,
Sudilah santap tuan budiman.

Apa diharap padi seberang
Entah berbuah entah tidak
Entah dimakan pipit melayang
Sedia sudah aneka hidangan
Di mata jauhnya tidak
Sudilah kiranya tuan mulakan

Santap beradat, santap istiadat
Santap enak di majlis.....
Santap meraikan, hormat menghormati
Bukan santap hendak kenyang
Santap santun dengan aturan
Nasi disuap tangan kanan
Lauk diambil sopan nan santun
Sampai ke mulut mamah perlahan
Dengan diiringi seteguk minuman
Silalah tuan menjamu selera
Jamah sahaja apa yang ada

PANTUN PERSEMBAHAN

Dari Madinah ke pengkalan Jeddah
Sarat bermuat buah pala
Berucap sudah makan pun sudah
Marilah kita berhibur pula

Awan bersua citra berkisah
Ukiran sukma kilauan kelisa
Penyampaian hadiah selesai sudah
Persembahan pelajar menyusul pula

Tanjung emas sudah ternama
Istana Johor di kuala Danga
Persembahan koir meneruskan acara
sebagai halwa santapan telinga.

PANTUN CENDERAHATI/HADIAH

Ada sinar, ada bayangnya
Ada hujan, ada lopaknya
Ada rindu, ada dendamnya
Ada luka, ada parutnya

Pabila bertunang, ada cincinnya
Pabila bergadai, ada surat untuk
menebusnya
Dan
Pabila bertanding adalah sijilnya

Tanam selasih ditepi halaman
Selasih berbunga buat hiasan
Terima kasih kami abadikan
Lewat sebuah cenderamata kenangan

Orang berbudi kita berbahasa
Orang memberi kita merasa
Berbudi tenang-tenangan
Hadiah diberi tanda ingatan

Adat nan baharu berubah-ubah
Adat manusia mengandung salah
Keputusan permainan diketahui sudah
Ada menang ada yang kalah.

Kuning emas masakanya padi
Mawar merah dalam jambangan
Terima kasih daun keladi
Budi tuan jadi kenangan

Buat bangsal di pulau Daik
Menahan taut sambil mengilau
Kalau asal benih yang baik
Jatuh ke laut menjadi pulau

Tunduk menguning serumpun padi
Pohon palas di pinggir hutan
Tuan mencurah selaut budi
Tidak terbalas segunung intan

PANTUN PERSARAAN/PERPISAHAN

Bagai terukir diatas batu
Bagai luka tinggal parut
Bagai samak pada jala
Bagai terak pada tembikar
Bagai pamur pada keris
Bagai tempa pada besi
Bagai terkena getah manggis
Bagai jahitan pada kain
Budi tuan kami tidak akan lupa
Jadi kenangan sepanjang hayat

Disini kasih kita bersemi
Tiba masanya melangkah pergi
Seuntai kasih sekalung budi
Atas sumbangan jasa dan bakti

Pohon delima di tepi perigi
Pokok berangan jauh di huma
Budi diterima disanjung tinggi
Jadi kenangan selama-lama

Berasa kehilangan...
Sekapal sepelayaran
Sekereta seperjalanan
Sepadang sepermainan
Segelanggang seperguruan
Seperinduk seperjuangan
Sampai masanya berpisah jua

Kuning emas masakanya padi
Mawar merah dalam jambangan
Terima kasih daun keladi
Budi tuan jadi kenangan

Tuai padi antara nampak
Esok jangan layu-layuan
Intai kami antara nampak
Esok jangan rindu-rinduan

PANTUN DI AKHIR MAJLIS

Ada tengah, ada tepinya
Ada pangkal, ada hujungnya
Ada hulu, ada muaranya
Ada laut, ada pantainya
Ada mula, ada akhirnya
Ada awal, ada penyudahnya
Dan kini
Tamatlah majlis kita pada kali ini

Kalau kita mendaki, sudah sampai ke
puncak
Kalau kita memanjat. Sudah sampai ke
pucuk
Kalau kita belayar, sudah sampai ke
pelabuhan
Kalau kita berlari, sudah sampai ke
garisan penamat

Umpama berjalan dah sampai ke batas
Umpama berkayuh dah sampai ke pulau
Umpama memanjat dah sampai ke
puncak
Entah sireh salah sorong
Entah kata salah tutur
Terimalah salam, salam bersantun
Salam yang mohon maaf

Salam yang mohon ampun

Letak golok di atas dulang
Letak geruk atasnya guni
Apa yang elok bawalah pulang
Mana yang buruk pinggir disini

Bintang barat terbit petang
Bintang timur terbit pagi
Jika tidak melarat panjang
Ada umur betemu lagi

Banyak keluk ke penarik,
Keluk tumbuh pohon kuini;
Nan elok bawalah balik,
Nan tak elok tinggallah di sini.

Bunga dedap di atas para,
Anak dusun pasang pelita;
Kalau tersilap tutur bicara,
Jemari disusun maaf dipinta.

Melarik halus papan di jawa
Tersergam kukuh di gerbang batu
Adat berjumpa terpisah jua
Moga ketemu di lain waktu

Pohon berangan tempat bertemu,
Girangnya rasa si anak dara;
Baliklah tuan membawa ilmu,
Binalah bangsa bangunkan negara.

Di atas dahan burung tempua,
Melihat rusa tepi perigi;
Salam perpisahan untuk semua,
Dilain masa bersua lagi.

Bunga seroja di atas para,
Jatuh ditimpa buah berangan;
Andai kata tersilap bicara,
Kemaafan jua kami pohonkan.

Dari Rokan ke Indragiri,
Membawa tinta ke Kuala Linggi;
Baliklah tuan rehatkan diri,
Esok kita bersua lagi.

Dari Kedah ke pekan sari,
Beli suasa di Kota Tinggi;
Selesai sudah tugas diberi,
Di lain masa bersua lagi.

Sungai disusur sehari-hari
Dalam kelam menangkap ikan
Saya menyusun sepuluh jari
Salah dan silap harap maafkan

Daun selasih permainan budak
Bunga melur berbau wangi
Bartaut kasih bercerai tidak
Panjang umur berjumpa lagi

PANTUN BUAT WARGA EMAS

Bulan purnama ke pekan Kuah,
Di tengah hari membeli ragi;
Dirimu umpama nyiur bertuah,
Padat sari harum mewangi.

Curah serbat di atas lantai,
Basah tikar lupa disidai;
Dikau ibarat karang di pantai,
Tak pernah gentar dipukul badai.

Pohon sena tepi perigi,
Tepi paya si pohon jambu;
Hadirmu laksana suria pagi,
Menyinar maya tak pernah jemu.

Pergi ke Nilai membeli jamu,
Jamu rasa dari tenggara;
Tidak ternilai jasa baktimu,
Kepada bangsa juga negara.

Tidak goyah pancang seribu,
Tika masih badai menderu;
Engkau ayah engkaulah ibu,
Menumpang kasih mengubat rindu.

Pohon beringin tepi keramat,
Dengar siulan diufuk barat;
Kalau ingin hidup selamat,
Buat bekalan untuk akhirat.

Beli keladi di Pekan Lidup,
Sayang rasa lemaknya kurang;
Taburlah budi ketika hidup,
Kelak jasa dikenang orang.

Pintal kapas menjadi benang,
Tenun benang menjadi sari;
Barang yang lepas jangan dikenang,
Kalau dikenang meracun diri.

Pohon senduduk baru di tanam,
Sayang mati di pijak pak tani;
Dari duduk baik bersenam,
Senang hati sihat jasmani.

Apa guna siparang panjang,
Kalau tidak dengan tujuan;
Apa guna berumur panjang,
Kalau tidak dengan amalan.

Timba suasa ditepi kali,
Buat menyimbah si tuan puteri;
Berputus asa jangan sekali,
Jadikan tabah pakaian diri.

Betik muda buat halwa,
Kelapa muda santan dirasa;
Biar muda di dalam jiwa,
Dari tua sebelum masa.

PANTUN HARI RAYA

Bersongkok sampin segak bergaya
Berbaju kurung anggun jelita
Majlis selamat hari raya
Tangan dihulur maaf dipinta

Kuih bahulu tradisi kita
Ketupat rendang pembuka selera
Tangan dihulur maaf dipinta
Agar ukhwah terjalin mesra

Bersongkok sampin segak bergaya
Berbaju kurung anggun jelita
Majlis selamat hari raya
Tangan dihulur maaf dipinta

Kuih bahulu tradisi kita
Ketupat rendang pembuka selera
Tangan dihulur maaf dipinta
Agar ukhwah terjalin mesra

Lemang dihidang enak rasanya
Nasi dagang pilihan kita
Bingkisan kata bingkisan raya
Tuan pengetua bermadah kata

Nasi beriyani menu utama
Lontong dan soto tidak dilupa
Kek dan biskut tersedia di meja
Apa lagi jom jamu selera

Awan bersua citra berkisah
Ukiran sukma kilauan kelisa
Sambil berbual nikmati juadah
Persembahan pelajar ceria acara

Terbang rendah burung tempua
Hinggap berdua di dahan ara
Hidangan di meja sudah tersedia
Dijemput tuan menjamu selera

SALAM PERPISAHAN

Kau tinggalkan rindu di sini
izinkan aku
menatap sebak di dadamu
untuk kutulis simfoni lagu
pada sepi pergunungan sendu

berikan aku
sekadar sekelumit waktu
Aku ingin sebentar melayan sembilu
Kerana aku tahu
masa terkenang berangkat lalu
tiada kesempatan minta di tunggu

langkah-langkahmu tertinggal di pintu
kami kutip kenangan itu
satu demi satu
dan kami pupukkan irama rindu
kami simpan di kotak pilu
nostalgia indah merawang di kalbu

kutahu sudah makna
perpisahan penghujung masa
kau lebarkan sayapmu ke angkasa
mencari destinasi baharu singgahsana
lalu doa kami sulamkan bersama

kutahu sudah
akan kau mengalih arah
lembaran ingatan mewarna sejarah
titipan masa lampau meniti terjah
sekujur kami akur mengaku pasrah
walau disini keringatmu masih basah
pasti ada gerimis gugur ke tanah
membasahi pelosok limbah

pudarlah senyum dan tawa
semyummu pengubat duka
tanduslah pendapat kata
pendapatmu pencetus minda
pupuslah jua petah bicara
bicaramu menjana jaya
samarlah langkah-langkah perkasa
langkah nan bertatah jasa

pada seluruh persada hati-hati pilu
kami tegur mengintaimu

kerana masih panas jejakmu
menginjak jalan-jalan kelikir berbatu
natijahnya...disini kau tinggalkan rindu
buat kami menggapai mercu

Sebelum saat perpisahan itu menjelma
sebelum detik pemergian itu bermula
berbanyak ucap kasih dan rindu dendam
semoga hari esok berbunga buah
kejayaan
bersama sihatnya tubuh badan
bersama kuatnya tindak iltizam
bersama bersihnya hati nurani
dengan jiwa yang tenang
mencerna masa depan.

TERIMA KASIH GURU

Terima kasih guru
yang mengajarku dulu
membawaku ke ladang-ladang
ilmu
dengan sabar tak kenal jemu
kini kupetik buah kejayaan itu
dari pohon jasa seharum narwastu.

Terima kasih guru budiman
yang merungkai erti kehidupan
menanam benih-benih kemanusiaan
memadam puntung-puntung
kesombongan
bagai bintang di kegelapan malam
di tengah lautan jadi pedoman.

Terima kasih guru jauhari
yang membugar perkebunan budi
lembut menyiram akal pekerti
tekun menyemai mulia peribadi
jasa baktimu terhampar pasti
moga Tuhan sentiasa memberkati.

Terima kasih guru tercinta
menyahut cabaran semangat perkasa
memperkuh iltizam membina bangsa
gelanggang pendidikan diri diperhamba
modal insan dijana dipelihara
melahirkan pemimpin memacu negara.